



**UNIT KOMUNIKASI KORPORAT
JABATAN PERIKANAN
MALAYSIA
BERITA PERIKANAN HARI INI**

16 OGOS 2022

| SENARAI AKHBAR | TAJUK |
|------------------------------|--|
| Utusan Malaysia | • |
| Berita Harian | • "Ikan Bilis Mata Biru Cetus Tanda Tanya" |
| Harian Metro | • "Ribuan Ikan Bilis Mata Biru Terdampar" |
| Kosmo ! | • |
| Sinar Harian | • "Fenomena Ikan Bilis 'Serang' Pangkor" |
| The Star | • |
| New Straits Time | • |
| Nanyang Siang Pau | • |
| Harakah | • |
| Oriental News Daily | • |
| The Borneo Post (KK) | • |
| Bernamea | • |
| See Hua Daily News (Kuching) | • |
| Guan Ming Daily | • |
| Sin Chew Daily | • |

| JENIS AKHBAR | | | | | | MUKA SURAT | TARIKH | |
|---------------------------|--|-------------------|---------|----------------|---------|------------|------------|-------------------|
| UTUSAN MALAYSIA | | KOSMO! | | THE STAR | | | | NANYANG SIANG PAU |
| BERITA HARIAN | | SINAR HARIAN | / | THE SUN | | | | ORIENTAL DAILY |
| HARIAN METRO | | NEW STRAITS TIMES | | THE MALAY MAIL | | PELBAGAI | | |
| KATEGORI LIPUTAN: POSITIF | | | NEGATIF | | NEUTRAL | | 24 16/8/22 | |

Fenomena ikan bilis 'serang' Pangkor

FOTO: IHSAN PEMBACA

Ribuan bilis mata biru naik ke darat di pantai Pasir Bogak, Pulau Pangkor sejak Jumaat lalu.

Oleh NOOR AINON MOHAMED YUSOF LUMUT

Fenomena ikan bilis mata biru naik ke darat di pantai Pasir Bogak, Pulau Pangkor sejak Jumaat lalu telah mengejutkan penduduk di pulau bebas cukai itu.

Rakaman video berdurasi 2 minit 51 saat menunjukkan pengunjung mengutip ikan bilis di pantai berkenaan yang tular di media sosial pada Ahad.

Penduduk, Roslan Ahmad, 58, berkata, kejadian itu merupakan pertama kali berlaku sepanjang dia membesar di pulau berkenaan sebagai nelayan.

"Ini luar biasa, tidak pernah berlaku pun sebelum ini. Hanya di pantai Pasir Bogak, pantai lain seperti Teluk Nipah tiada pula.

"Beberapa hari ini penduduk dan pengunjung mengambil kesempatan memenuhi kawasan pantai mengutip ikan itu. Sedap direbus dan buat cucur ikan," katanya ketika dihubungi *Sinar Harian* pada Isnin.



Tangkap layar video menunjukkan seorang pengunjung mengutip ikan bilis segar (gambar kecil) yang terdampar di pantai Pasir Bogak, Pulau Pangkor.

Menurut Roslan, kejadian itu mula disedari oleh rakannya yang ternampak biasanya cahaya bersinar-sinar di pesisir pantai sekitar jam 8.30 malam.

"Bila dilihat dari dekat nampak ribuan ikan bilis berselerak. Kejadian ini mungkin berlaku disebabkan air pasang dan bulan penuh.

"Semalam (Ahad) ada juga penduduk yang menunggu untuk menyaksikan sendiri kejadian itu tetapi tiada ikan bilis yang naik. Sekali itu sahaja, lepas itu tiada," katanya.

Roslan berkata, kebiasaannya ikan bilis ini ditangkap

nelayan sekitar lima hingga 10 batu nautika.

"Ini rezeki buat penduduk dan nelayan setempat. Tidak dinafikan hasil tangkapan akhir-akhir ini tidak putus-putus.

"Saya menganggap ia satu tanda kebesaran daripada ALLAH SWT," ujarnya.

Sementara itu, Pengarah Perikanan Perak, Noraishah Hashim berkata, pihaknya akan meneliti bagi mengetahui punca fenomena tersebut.

Jelasnya, satu batu nautika dari pesisiran pantai adalah zon konservasi kawasan pembiakan semua jenis ikan.

| JENIS AKHBAR | | | | | | | MUKA SURAT | TARIKH |
|---------------------------|---|-------------------|---------|----------------|---------|-------------------|------------|--------|
| UTUSAN MALAYSIA | | KOSMO! | | THE STAR | | NANYANG SIANG PAU | | |
| BERITA HARIAN | / | SINAR HARIAN | | THE SUN | | ORIENTAL DAILY | | |
| HARIAN METRO | | NEW STRAITS TIMES | | THE MALAY MAIL | | PELBAGAI | | |
| KATEGORI LIPUTAN: POSITIF | | | NEGATIF | | NEUTRAL | | 22 16/8/22 | |

Ikan bilis mata biru cetus tanda tanya

Jabatan Perikanan Perak siasat fenomena di pantai Pasir Bogak

Oleh Noor Hidayah Tanzizi
farahmarshita@bh.com.my

Lumut: Ikan bilis mata biru yang sinonim dengan Pulau Pangkor, yang terdampar di pantai Pasir Bogak di sini, pada Jumaat dan Sabtu lalu, mencetus tanda tanya dalam kalangan masyarakat.

Beberapa video memaparkan situasi itu serta individu mengutip ikan itu turut dimuat naik di media sosial sejak malam kelmarin.

Malah, Ahli Dewan Undangan Negeri (ADUN) Pangkor, Datuk Seri Dr Zambry Abd Kadir turut berkongsi video ikan bilis terdampar di tepi pantai dalam jumlah yang banyak di Instagram.

Seorang nelayan, Roslan Ahmad, 58, berkata ikan bilis mata biru itu kesian terdampar di pantai berkenaan sejak Jumaat lalu.

Beliau berkata, video kejadian itu turut dirakam rakannya yang bersantai di pantai berkenaan



Tangkap layar video memaparkan ikan bilis mata biru terdampar di pantai Pasir Bogak, Pangkor.

(Foto ihsan pembaca)

bersama keluarga pada jam 8.30 malam, Jumaat lalu.

Air pasang penuh

“Ketika itu ombak tidak terlalu tinggi, tetapi air pasang penuh. Rakan yang melihat seperti ada kerlipan di tepi pantai terkejut mendapati ia adalah ribuan ikan bilis mata biru yang terdampar.

“Apabila sudah heboh, ramai yang datang kutip dan semalam ada yang tunggu juga, tetapi tiada lagi bilis yang naik,” katanya ketika dihubungi, semalam.

Katanya, fenomena itu adalah yang pertama berlaku, namun

punca ia berlaku tidak diketahui dan menganggapnya ia adalah satu kebesaran Allah SWT.

“Sebagai nelayan, fenomena ini boleh dianggap petanda baik juga kerana menunjukkan ikan itu sentiasa ada, kena usaha dan bersyukur serta menginsafi apa berlaku.

“Tetapi sekarang memang tak dinafikan ikan memang tengah banyak, rezeki tak putus bulan ini dan ikan bawal pun ada. Ikan termenung juga banyak didapati sekitar perairan Pulau Pangkor dan Lekir sejak dua minggu ini hingga ada yang dapat 200 kilogram ikan itu,” katanya.

Jabatan Perikanan Perak memaklumkan pihaknya menerima maklumat kejadian itu semalam dan Pejabat Perikanan Daerah Manjung akan turun ke lokasi hari ini untuk tindakan lanjut selain Institut Penyelidikan Perikanan (FRI) Kampung Acheh juga akan melakukan kajian berhubung kejadian itu.

Sementara itu, Pengarah Perikanan Perak, Noraishah Hashim ketika dihubungi berkata, pihaknya akan membuat pemerhatian dan siasatan lanjut untuk mengetahui punca sebenar fenomena itu.

Beliau berkata, satu batu nautika dari persisiran pantai adalah zon konservasi kawasan pembiahan semua jenis ikan.

| JENIS AKHBAR | | | | | | MUKA SURAT | TARIKH | |
|---------------------------|---|-------------------|---------|----------------|-------------------|------------|-----------|--|
| UTUSAN MALAYSIA | | KOSMO! | | THE STAR | NANYANG SIANG PAU | | | |
| BERITA HARIAN | | SINAR HARIAN | | THE SUN | ORIENTAL DAILY | | | |
| HARIAN METRO | / | NEW STRAITS TIMES | | THE MALAY MAIL | PELBAGAI | | | |
| KATEGORI LIPUTAN: POSITIF | | | NEGATIF | | NEUTRAL | | 5 16/8/22 | |

Ribuan ikan bilis mata biru terdampar

Lumut: Ribuan ikan bilis mata biru yang sinonim dengan Pulau Pangkor terdampar di pantai Pasir Bogak di sini, pada Jumaat dan Sabtu lalu mencetus tanda tanya dalam kalangan masyarakat.

Beberapa video memaparkan situasi itu serta individu mengutip ikan itu turut dimuat naik di media sosial sejak kelmarin.

Malah, Ahli Dewan Undangan Negeri (Adun) Pangkor, Datuk Seri Dr Zambry Abd Kadir turut berkongsi video ikan bilis terdampar di tepi pantai dalam jumlah yang banyak di Instragramnya.

Seorang nelayan, Roslan Ahmad, 58, berkata, ikan bilis mata biru itu dikesan terdampar di pantai berkenaan pada Jumaat dan Sabtu lalu.

Menurutnya, video kejadian itu turut dirakam rakannya yang bersantai di pantai berkenaan bersama keluarga pada 8.30 malam Sabtu lalu.

"Ketika itu ombak tidak terlalu tinggi, tetapi air pasang penuh. Rakan yang melihat seperti ada kerlipan di tepi pantai terkejut mendapati ia adalah ribuan ikan bilis mata biru yang terdampar.

"Apabila sudah heboh, ramai yang datang kutip dan semalam ada yang tunggu juga tetapi tiada lagi bilis yang naik," katanya.

Katanya, fenomena itu adalah yang pertama berlaku namun punca ia berlaku tidak diketahui dan menganggapnya ia adalah satu kebesaran Allah

SWT.

"Sebagai nelayan, fenomena ini boleh dianggap petanda baik juga kerana menunjukkan ikan itu sentiasa ada, kena usaha dan bersyukur serta menginsafi apa berlaku.

"Tetapi sekarang ini memang tak dinafikan ikan memang tengah banyak, rezeki tak putus bulan ini dan ikan bawal pun ada. Ikan termenung juga banyak didapati sekitar perairan Pulau Pangkor dan Lekir sejak dua minggu ini hingga ada yang dapat 200 kilogram ikan itu," katanya.

Jabatan Perikanan Perak memaklumkan pihaknya menerima maklumat kejadian itu semalam dan Pejabat Perikanan Daerah Manjung akan turun ke lokasi hari ini untuk tindakan lanjut selain Institut Penyelidikan Perikanan (FRI) Kampung Acheh juga akan melakukan kajian berhubung kejadian itu.

Sementara itu, Pengarah Perikanan Perak, Noraishah Hashim ketika dihubungi berkata, pihaknya akan membuat pemerhatian dan siasatan lanjut untuk mengetahui punca sebenar fenomena itu.

Menurutnya, satu batu nautika dari persisiran pantai adalah zon konservasi kawasan pembiakan semua jenis ikan.

"Jadi kita tak pasti jika sumber bertambah dan setakat ini kita tidak tahu punca (fenomena ikan bilis terdampar itu tetapi meneliti serta membuat siasatan," katanya.



TANGKAP layar rakaman video yang memaparkan ikan bilis mata biru terdampar di tepi pantai Pasir Bogak, Pangkor.